

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 21. tačka 5. Zakona o koncesijama - Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 146. sjednici, održanoj dana 17.03.2022. godine, d o n o s i

ODLUKU

o saglasnosti na pokretanje procedure raskida Koncesionog ugovora sa Anexom I koncesionog ugovora, za istraživanje i eksploataciju mineralne sirovine- kvarcnog pijeska sa koncesionarom „SANEX“ d.o.o. Breza na lokalitetu „Nezirov Gaj“, K.O. Gornja Breza i K.O. Podvinci, na području općine Breza i grada Visoko

Član 1. (Predmet)

Daje se saglasnost na pokretanje procedure raskida Koncesionog ugovora sa Anexom I koncesionog ugovora, za istraživanje i eksploataciju mineralne sirovine- kvarcnog pijeska na lokalitetu „Nezirov Gaj“, K.O. Gornja Breza i K.O. Podvinci, na području općine Breza i grada Visoko zaključen sa koncesionarom „SANEX“ d.o.o. Breza.

Član 2. (Raskid ugovora)

Zadužuje se Ministarstvo za privredu da raskine Koncesioni ugovor, broj: KC 20/2007 od 23.04.2007. godine sa Anexom I koncesionog ugovora, broj: 04-18-2020-2/18 od 17.07.2018. godine zaključen sa koncesionarem „SANEX“ d.o.o. Breza, na dan 30.09.2021. godine zbog toga što je koncesionar podnio prijedlog za sporazumni raskid koncesionog ugovora sa Anexom I koncesionog ugovora.

Član 3. (Provođenje postupaka)

Zadužuje se Ministarstvo za privredu, Ministarstvo finansija i Kantonalna uprava za inspekcijske poslove da, svako u svojoj nadležnosti, sprovede zakonima propisane postupke: raskida ugovora, stavljanje van snage izdatih dozvola i sve druge radnje u cilju prestanka eksploatacije i raskida koncesionog ugovora sa Anexom I koncesionog ugovora.

Član 4. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-4369/22

Datum, 17.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za privredu,
1x Kantonalno pravobranilaštvo,
1x Ministarstvo finansija,
1x Ministarstvo za prostorno uređenje, promet i komunikaciju
i zaštitu okoline,
1x Ministarstvo za poljoprivredu, šumarstvo i vodoprivredu,
1x Kantonalna uprava za inspekcijske poslove,
1x Općina Breza, putem Ministarstva,
1x Grad Visoko, putem Ministarstva,
1x „SANEX“ d.o.o. Breza, putem ministarstva
1x „Službene novine Zeničko-dobojskog kantona“,
1x a/a.